

Lipski Andreas

Episcopus Wladislaw. et Pomer.

Tyzenowski

Sisimii Malohidae: Panegyricus Andree

Lipski, Ep. Vlad et Pomer. pro ipius


ptinas ad ecclesiam Wladislawiensem

adventu scriptus.

PANEG. et VITÆ

Polon.

Æ 461.



†
SSOSSE SSOSSE

PANEGYRICVS.

Illustrissimo & Reuerendissimo Domino,

D. A N D R E A E
L I P S K I,

Dei & Apostolicæ Sedis Gratia,
E P I S C O P O W L A D I -
S L A V I E N S I E T P O M E R A N I Æ,
R E G N I P O L O N I Æ
C A N C E L L A R I O.

Pro ipsius primo ad Ecclesiam Wladislaui-
sem aduentu,
S C R I P T V S

a
Reuerendo Domino MATTHIA SISINIO, Cano-
nico & Theologo Wladislauien. Protono-
tario Apostolico.

Fredericus Princeps Poloniarum

V A R S A V I Æ,

In Officina Ioannis Rosowski, S. R. M. Typographi,
Anno Domini, 1 6 2 4.

Nr.

Maximilianus

Illr et Admodum Rendo Domino
Canonico Cracou *Quo loco obliuio Hute*

800001 800002

STANLEY

ANDERSON

SLIP

WELLS



176461

THEOLOGICAL

ANDERSON

VAR

PERILLVSTRI ET REVERENDIS-
SIMO DOMINO,

D. STANISLAO
LVBIENSKI,

VOCATIONE DIVINA
ABBATI TINECENSI
NOMINATO EPISCOPO

LVCEORIENSI,

Domino & Patrono Colendissimo.

MATTHIAS SISINIVS CANONICVS ET THEOLOGVS
Vladislaviensis perpetuam felicitatem.



*Vdacter fecisse videri possum, cum id mihi sumpsi
re Illusterrimum Dominum ANDREAM
LIPSKI Regni Cancellarium Episcopatus isii-
us gubernacula capeissentem, gratulatione mea ho-
roicis tanti viri virtutibus longe impari exciperem.
Nam si Alexander Macedo felicem iudicauit A-
chillem, quod laudum suarum praconem Homerum nactus esset: & si is
ipse magnus Rex edicto cauit, ne quisquam se alius praeter Apellem pin-
geret, praeter Lysippum fingeret quid duo artifices tuo illo praestantissimi
A 2
in suo*

in suo genere fuerunt: merito sane vereor, ne & ego videar nimis audax,
qui talis viri praconium susceperim, ad quem pro dignitate laudandum,
altero ipsius simili opus esse arbitror: & ille minus felix videatur me non
valde laudatum nactus laudatorem, Progressa tamen est ulterius auda-
cia mea cum Panegyristen agens quasi instituti mei oblitus nonnullis in lo-
cis pro Panegyri paranesim dedi. Qua in re videri possum, non modo supra
vires audax, sed etiam bene & gnauiter impudens, qui quid me deceret mi-
nus aduertens, iunior Seniore, Presbyter Pontificem, priuatus Reipub.
Senatorem, ad officium cohortari non dubitauerim. Denique accessit non
pauillum ad cumulum audacia mea, quando ut hoc quidquid est scriptio-
nis tibi, cui nihil nisi perfectum ingenio, elaboratum industria, placere solet,
offerrem, animum induxi meum. Sed est tamen Vir Amplissime, cur mihi
facilem harum rerum veniam dandam esse putes. Etenim ut ista scriberem,
meus me, erga praestantes illius, cui scripsi virtutes, incensus amor, quid va-
leant humeri, quid ferre recusent, minus, ut suum est ingenium, attendens,
impulit. Firmavit vacillantem animum considerata prudentissimi viri in
huiusmodi litterariis xeniolis, non facultate magis quam voluntate esti-
mandis equitatis. Quod autem laudi & praedicationi cohortationem inter-
miscui, nec id prorsus indecore feci: quando bene & feliciter in vera laudis
orbita currenti, ut agere porro pergat, quod quicquid succlamauit. Demum ut hac
cuiusmodi cunctis opella te muneraret, quamuis mea me ab hoc consilio retra-
hebat verecundia, vixit tamen inclinatissima in te voluntas: cui vel cum
pudefacti vultus rubore obsequendum esse putavi. Enimvero eximia tua
humanitas cum insigni modestia copulata, omnibus qui quid unquam te-
cum siue priuatis siue publicis in rebus egerunt, luculenter perspecta, latam
mihi ac letam ad te viam reclusit, spemque excitauit, fore, ut tuis suavis-
simis moribus indulgens, hoc e paupere meo penu depromptum munusculum
non prorsus aspernere. Creuit porro non mediocriter animus, alterna deli-
beratione aliquandiu diuifus, ubi in eam incidit cogitationem, te in eius
viri, cuius hic honori studeo, Pontificiam Sedem Diuino plane consilio suc-
cedere. Quippe, qui tot in eum diuinitus collata charismata, in te quoque
pari Diuina largitate effusa, toto antea tuae vitae curriculo praeclare
ostendit,

ostendis. *Ve in hoc Praeceptoris tui encomio, ipse te inspicere, & quae de
Caelo accepisti dona recognoscere possis. Ac licet modestia tua faciat, ut ea
in te, vel non cognoscas, vel multo quam reuera sunt, minora paucioraque
repatas: nihilo tamen minus in omnium hominum oculos suo clarissimo ful-
gore incurrunt.* Quae longa & intima familiaritate laudatissimorum
Anastasicum, Ioannis Tarnouii, ac Matthiae Pstroconii, ostensorum tan-
tum huic Ecclesiae, & mox amplo eius damno sublato-
rum propinquorum
tuorum magna ex parte aucta & corroborata, cum diu multumque Rex
Serenissimus multiplici magnarum rerum usu probasset, pro maxima qua
in distribuendis meritorum premiis pollet sapientia, primum tibi facile
principis in hoc Regno Abbatiae Tinecensis infulam, quam virtute non
fauitoribus ambiisti, deferendam imponendamque esse censuit: deinde ut
eam eminenti virtuti, maiorem & ampliorem, in quo excurreret campum
daret Episcopum te Luceoriensem renunciavit. Quem Episcopatum quo-
nam modo es gesturus, quaque ad eum ornamenta allaturus, ex iis quae ad-
huc gessisti rebus facile est cuius non fallaci coniectura assequi. Ego ve-
ro, quando nunc nec a me quidquam amplius praestari, nec a te expectari po-
test, pro meo in te flagranti studio, quod nullares forinsecus accedens pepe-
rit, sed virtus, quae est ipsa per se amabilis, cuiusque insignia in te elucent
specimina conciliauit: Summis precibus a Diuina bonitate oro: ut ulte-
riorem virtutis & gloriae tuae cursum benefortunet, teque in eam, ad quam
toto conatu anhelas sempiternae felicitatis metam dirigat. Mittat tibi
Dominus auxilium de Sancto, & de Syon tueatur te, memor sit omnis Sa-
crificii tui. At tu hanc qualemcunque scriptionem, vel tanti viri cau-
sa, cuius ipsa gloriae inferuire nititur, ea quae tibi propria & perpetua est
humanitate excipe & inspic. Sin minus id meretur, & ex veteri formula
res meas mihi habere iubeor: tamen ego mihi gaudebo, quod animo meo ob-
secutus, hac accepta occasione ad beneuolentiam & gratiam tuam, cuius a
te ineunda incredibili iam pridem desiderio teneor, primum hunc aditum
patet facere mihi studuerim. Vale Vir amplissime idque tibi persuade, te a
me obseruari atque coli, ut paucos admodum habeas tui quam ego sum stu-
diosiores. Dat. Vladislauae Calendis Februarii. A. D. 1624.

IN ARMA

A.

L.

E.

W.


E.

P.

R.

P.

C.



T Ergemini colles loca celfo proxima Cælo,
 Quis fortunatus pes iuga ueftra premit?
 Filia fudoris feat Gloria vertice fumno,
 Doctrina extremos integritasque tenet.
 Qua gemina fretus comite altos Præful honorum
 Afçendit, Summos dignus adire gradus
 Tabefcunt eriplici fruftra fub colle frementes,
 Serati in terram hoftes torpor & inuidia.

PANEGYRICVS.



Iuturni desiderii, quo dilatum huc vsq; ad Ecclesiam istam aduentum tuum, vehementer expectabamus, Præsul Illustrissime, finem tandem felix faustusque dies hodiernus attulit: idemque initium eius lætitiæ, quam de te in hac Illustri Pontificali Sede collocato ingentem ac prope incredibilem percipimus. Si enim statim, ac prædecessor tuus insignis pietate, Vir deq; hac Ecclesia non mediocriter meritis, rebus humanis exemptus est; tu potissimum animis oculisque nostris obuersabaris, tuæ successione cupida spe orbitatis nostræ, mœrorem solabamur, in te vnum summa omnium nostrum studia inclinabant, tibi ante alios à Diuinâ bonitate eminentem hunc locum certatim expetebamus: fanè cum id quod tantopere in optatis erat, hodie demum perfectum cernimus, fieri non potest, qui tantam inde voluptatem hauriamus, quantam maximam animi nostri capere possunt. Nam quid ad sempiternam nominis tui laudem magnum & excellens? quid ad Ecclesiæ istius præsidia & ornamenta magnificum ac splendidum? quid ad Diuini honoris propagationem & animarum custodiæ tuæ creditarum salutem insigne & eximium, de te nobis non polliceamur? Qui sic semper antè vixisti, vt non solum tibi tuisque, quod parui angustique animi est, sed multò magis Ecclesiæ & Reipub. ac veræ ex fidei vtrique nauata opera efflorescenti gloriæ viueres. Sic res vniuersas adhuc egisti, vt magis magisque quotidie laudatissimis actionibus tuis ad excelsa in hac Repub. honorum culmina aditum tibi patefaceres. Ac
mihi

mihi quidem nunc ad superioris vitæ tuæ rationes, ab ineunte ætate susceptas, cogitationem referenti, latè patens aperitur campus, in quo laxatis habenis sic mea excurrat oratio, vt si minus par & æqualis, at saltem is, qui à mediocri ingenio, & summo in te studio meo, proficisci potest, eminenti virtuti tuæ honos à me exsoluatur. Sed enim vereor, ne si omnia gloriose à te gesta persequi coner, & magnitudinem animi tui offendam, qua etsi res laude dignas libenter agis, eas tamen in præsentia tua laudari ægrè sinis: & auribus tuis, id quod veritati & æquitati debeo, turpi ac ore Sacerdotis prorsus indigno assentationis morbo adductus dare voluisse videar. Quare dabis, vt opinor, pro tua moderatione, facile mihi hanc veniam, vt de splendore generis tui antiqua nobilitate præclari, hoc loco nihil dicam: nihil de tot præstantibus toga & sago gentis tuæ viris: nihil de illorum rebus decorè gestis, quarum gloriam quamlibet magnâ & opulentâ hæreditate potiolem de manu in manum longa serie tibi tradiderunt. Quippe ego hæc, quæ ita tua sunt, vt & alijs tecum sint communia, in tuis laudibus ponenda mihi esse non existimo. Alios ista admiratores habeant: ego in te nihil nisi te ipsum admirror. Itaq; vt magnus ille populorum domitor Alexander Macedo, ex familiaribus suis alium dicebat esse amicum Alexandri Regis, alium ipsius Alexandri: sic tu alios existere, qui & alia in te suspiciant, me planè, & ex animo, tui ipsius cultorem, veneratoremq; esse, velim tibi persuadeas. Ac te ipsum cum dico, non te ab istis imæ notæ bonis, quæ extra animum tuum posita sunt censeo, sed ab ipso duntaxat vero & solido tuo bono, id est à virtute quæ seipsa contenta, nullâ aduentitiâ re ad explementum felicitatis suæ indiget, nullam extra se appetit. Quanquam ad eam nihil minus cogitantem, plerumque etiam inuitam ac reluctantem, vbi gentium species eius in amoribus est summa omnia vltro assolent confluere. Licet enim cum labore & sudore quæritur

quæritur, nec nisi tanto à Superis pretio venditur: tandem tam-
men post deuictam triumphatamque inuidiam, faciliè & nullo
negotio, quæ inter mortales maxima passim habentur, in eius
finem deferuntur. Vt sicut de quodam Græcorum Imperato-
re iactatum est, ipsi scilicet dormienti, fortunam reti vrbes ca-
pere solitam, ita de ea longe iustius dici queat, ei nimirum
quiduis potius agenti atq; cogitanti, ad extremum ipsam for-
tunam victas manus dare, ac omnia sua eius arbitrio permitte-
re. Hanc tu optimam Ducem & Magistram, iam inde à prima
ætatula tibi delegisti, quam inoffenso pede, quò ea te cunque
per arduum laudandorum operum callem duceret, magno
constantique animo in omni vita sequereris. Itaque eius sua-
su atque ductu adolescentulus, ac penè puer verè viriles cogi-
tationes, generoso pectore voluere maturè cæpisti; abiectisq;
& repudiatis blandis pestibus, quibus lubrica illa & præceps
ætas decipi corrumpique solet, in glorioso omnis doctrinæ li-
beralis curriculo stetisti, nec prius in eo progredi desijisti, quàm
illo peruenires quò te peruenisse minimè pæniteret. Ad eas
verò potissimum scientias perdiscendas animum & studium
adiecisti, quæ non modò ingenium exacuerent ac expoli-
rent tuum, sed & vitam ac mores ijs præceptis institutisque
imbuerent, quæ tibi postmodum, ad boni viri, & ad boni in-
Repub. ciuis munera ac officia præclare obeunda, magnum
adferrent adiumentum. Atque idcirco non contentus dome-
stica natalis soli disciplinâ, celeberrimâ, aliquot Europæ Gy-
mnasia impiger & alacer adijisti: vbi cum magnis in omni opti-
marum artium genere Viris in disciplinam te tradidisses, haud
multo decurso temporis spatio ingenij bonitatem diligenti
cura & exercitatione adiuuante, vberi & ampla cum cætera-
rum rerum maximarum vitæ communi apprimè vtilium, cum
verò potissimum Sacrorum Canonum Iurisque Ciuilis cogni-
tione pectus tuum instruxisti. Ex quo euenit, vt quod hono-
ris lite-

ris literarij præmium confecto cum laude studiorum curriculo-
viris de literis benè meritis decerni ac tribui solet, tibi quoq;
meritissimo in Vrbe illa orbis Domina decretum tributumq;
fuerit. Testes verò præterea sunt tuorum de bonis literis infi-
gnium meritorum felices illi ingenij tui, fatus, qui in præsen-
tem diem magno publico bono in manibus hominum versan-
tur. Testis historia quam de rebus Serenissimi Regis nostri
bello paceq; gestis, pari diligentia, iudicio, fide, scripsisti,
& illo ipso die quo legalis sapientiæ Mystes inaugurabaris pri-
mum euulgasti. Testes omnium prope gentium legibus fun-
data atque firmata practicæ illæ observationes, quibus com-
plices perdifficiles & implicatissimas iuris & facti quæstiones
felicissime explicasti. Vt cum omnes boni multum de tuâ ad
Pontificiam Senatoriamq; dignitatem assumptione gaudere
debeant; tum verò non minus dolere quòd tibi arduis & gra-
uissimis Reipub. curis impedito, à continuando tam pulchro,
tamq; utili opere supersedere fuerit necesse. Quid enim in
eo, vt liberè quod sentio eloquar, ad egregij Scriptoris laudem,
pertinens non luculenter elucet? quis in eo non videat, non
probet, non exosculetur, ingenium acre, iudicium graue, me-
moriâ fidelem, lectionem variâ, aptam rerum & sententia-
rum connexionem, clarum, facile, nitidum; à superfluis legum
& Doctorum citationibus depuratum dictionis genus, vt mihi
quidem cum magnis nostri seculi Iurisconsultis facile compa-
rari posse videaris. Verum de optimis studijs, in quibus flo-
rentis æui annos benè exegisti, satis mihi pro tempore hoc, in-
stitutoq; meo dixisse videor. Patere iam Præsul Illustrissi-
me, quæ tua est humanitas, vt quoniam omnia quæ in Repub.
tractanda egregiè à te acta sunt absque satietate & fastidio au-
rium tuarum, quæ omnino declinare debeo, commemorare
non possum, saltem nonnulla ad nominis tui decus illustriora,
quæ me pulchritudine sua vehementer ad se alliciunt, & rapi-
unt, car-

unt, carptim breuiterque perstringam. Igitur vt primum in
Aula Serenissimi Regis nostri, in illa videlicet amplissima om-
nis virtutis exerendæ, & exercendæ palæstra constitisti, ilico
isthic pretiosas pectoris tui merces, quas tota antea vita
summo studio tibi conquisiueras, expromere & explicare cæ-
pisti. Quas propter summorum tunc in Repub. Virorum ani-
mos & voluntates singulariter tibi deuinxisti. Nam Tarnoui-
us Regni tunc Pro Cancellarius acerrimi iudicij, maximæque
in Repub. auctoritatis Vir, multum tuæ integritati, pruden-
tiæ, eruditioni, ingenio, tribuebat, teq; propterea singulari af-
fectu complectebatur, operaque tuâ, in varijs Reipub. nego-
tijs utebatur. Ac insuper illo decedens Magistratu, Successori
suo Tilicio, te tanquam primæ notæ Virum, rebus agendis
peridoneum prolixè commendauit. Qui prudentissimus Sena-
tor seculorum memoria dignus, illa ipsa animi tui ornamenta
varijs experimentis perspecta & explorata, vehementer pro-
babat, tantiq; te pendebat, vt non modo dum viueret, in-
dustriam & solertiam tuam ad magna Ecclesiæ & Reipub. ne-
goria sæpe adhiberet, sed etiam extremum diem clausurus, tuæ
quoque fidei supremæ suæ voluntatis executionem permise-
rit. Iam Zamoscius omnium gentium literis & linguis prædi-
candus Heros, plurimum de te sibi persuadebat, Reipub. pro-
mittebat, teque ob tuos magnos iam tum & incitados ad ve-
rum laudem impetus insigni beneuolentia & fauore prosequen-
batur. Quid Zotkieuius Bellator ille vrinam tam ad extre-
mum felix, quàm semper fortis & strenuus, nonne te ab ijs
quas in te intuebatur dotibus, carissimum semper habebat?
nonne tibi abditos consiliorum suorum recessus credebatur?
nonne ex ijs rebus quas multas & graues apud Serenissimum
Regem per te agebat, qui progressu temporis virtutisque tuæ
aliquando futurus esses, benè & verè augurabatur? nonne in
omnes tui quamprimum ornandi, & ad summa attollendi oc-

casiones seriò & diligenter intentus erat ? Sed & ipse Rex Serenissimus, rerum æstimator æquissimus, maiores quotidie ad optima & maxima quæq; tuas progressionès cernens, maiora quoque tibi propensæ ac benignæ voluntatis argumenta indies ostendebat, optimasq; de te spes concipiebat; cum in multiplici rerum vñu vera illa & præclara tua bona spectaret, probitatem vitæ ab omnisfædi errati labe immunem, candorem morum duplicitatis expertem, solidam magnarum rerum scientiam ambitiosâ ostentatione vacuam, singularem prudentiam in ijs, quæ vera & recta essent perspiciendis, præstantem animi magnitudinem in eisdem tuendis, egregiam industriam in perficiendis. Talibus præsidijs quoniam benè circumquaque munitus eras, frustra te binæ illæ nimium exitiosæ aulæ pestes liuor & ambitio appetiuerunt: frustra virtutis fortunæq; tuæ cursum inhibere ac remorari laborarunt. Tanta enim virtus, etsi oppugnari ac premi ab improbitate potuit, opprimi tamen & obrui nihilomagis potuit quàm Solis istius meridiana lux abscondi. Quin potius impulsæ stetit firmitus, retardata cucurrit velocius, depressa caput extulit sublimius, obnubilata effulsit illustrius, maligno dente arrosa fragrauit suauius, effloruit venustius, fructificauit vberius. Hac fretus, turpe illud animi de proprijs meritis diffusi vitium, quo in altiore locum per aliorum incommoda & calamitates nonnulli aliquando irrepere nituntur, vti vita moribusq; tuis indignum, longissimo semper à te propulisti interuallo. Possem hoc loco multa singillatim dicere de multis egregijs rebus, quibus cum præclarum Secretarij Regij nomen impleres, celsiori in hac Repub. loco parabaris. Quàm enim diligens & strenuus in gerendis quibuscunq; publicis functionibus fidei tuæ commissis fuisti! quàm in cognitionibus iudicialijs iuris & æqui tenax! quàm ardens in defendendis & vindicandis iuribus & prærogatiuis Ecclesiæ atque Ordinis Ecclesiastici?

quàm integer & inexpugnabilis ab ijs, quæ oculos Sapientum
excæcare interdum solent corruptelis, quàm priuatorum com-
modorum oblitus, ipsius honestatis & honoris amans? quàm
acer, & perpetuus, in illâ ætate, quæ à labore ad otium procli-
uis est, perniciosissimi istius vitij Ofor, & hostis, adeò, vt cum
à negotijs Reipub. vacares, ipse tibi honestissima negotia pri-
uatim dares, vacuas à publicis curis horas, in lectione & scri-
ptione domesticâ consumens. Dicerem de præclaris illis acti-
onibus tuis, quibus Sacræ Regiæ Maiestatis Cancellarius,
huic quam sustines amplissimæ dignitati pulchrè & dextrè
præiugisti. Dicerem de splendida legatione, quâ apud Mat-
thiam primum Imperatorem Romanum, & Imperij Comitia
in graui Reipub. causâ perfunctus es, & ita perfunctus, vt &
negotium tibi delegatum benè & gnauiter gesseris, feliciter &
ex animi sententiâ confeceris: & in tuendâ Regis ac Regni di-
gnitate, incredibili animi magnitudine, prudentia, grauitate,
constantia, propè admirabilem te præbueris. Verùm ego hæc
& alia id genus, etsi singula per se sunt magna & illustria, mis-
sa facere cogor, dum ad duplex illud virtutis tuæ altius & am-
plius theatrum, in quo te eximium & planè summum virum
ostendisti, ad Episcopatum, inquam, Luceoriensem & Pro-
Cancellarij primum, deinde Cancellarij maximum munus
lubens propero. Et sanè haud scio, an verè magna & præcla-
ra ex se res sit, in quantumlibet sublime honoris fastigium eua-
sisse. In eo enim id interdum contingit pro miro, quem in re-
bus humanis, Diuina prouidentia exercet ludo, vt alij qui-
dem mereantur, alij habeant. Sed enimuero, hæc quæ vulgò
amplissima inter mortales habentur, virtute sibi peperisse, vir-
tute tenuisse, virtute illustrasse, id demùm maximi est, & in o-
mni æuo perrari viris. At quis tam incuriosus, vt nesciat magis
te ab ijs, ad quos iam peruenisti, magnis honoribus quæsitum
esse, quàm eos quæsiuisse? cui malignus affectus vsque adeò
oculos

oculos occlusit, vt non videat te in hos sublimes, quos attigisti dignitatum gradus, ab ipsa virtute optimâ duce, atque comite manuductum esse: quis tam refractarius, vt inficietur ita te semper adhuc magni Episcopi, & Senatoris, diuinitus, tibi impositam personam sustinuisse, nihil vt in tam vario & ancipiti Reipub. tempore, quod quidem te, tuoque dignum esset loco, desiderari in te patereris? Denique quis tam præceps, vt de re adeò ambigua certum iudicium ferre audeat, plusne insignes hæ, quas obijsti functiones splendoris tibi attulerint, an à te vicissim acceperint? Non enim postquam Episcopatus Luce-orientis gubernaculaprehendisti, proba laudatæque rectæ vitæ studia remisisti, & vt interdum fit, mores cum fortuna in deterius immutasti. Quinimò in ea confestim Episcopali fastigio digna opera incumbere cæpisti, quibus ad famam & gloriam antecessorum Tuorum Maciejouij, Szyškouij, Volucij, Firlei, magni in Repub. & Ecclesia meriti, ac nominis, Antistitum, proximus accederes. Quid enim aliud spectabas? quid moliebare? quid contendebas? quàm quod ad omnes boni Pastoris ac Præfulis, partes explendas, quoquo modo pertinere iudicabas. Alienatos olim & distractos deprehendisti, nonnullos Episcopales fundos, eos medio iure in Ecclesiæ illius ditionem asseruisti. Incerti controuersiæque fines, inter finitimas, & tuæ Ecclesiæ possessiones, iniustos harum delibatores, ad nouas, dum veteres tolerarentur, iniurias inuitabant: tu & veteres legibus patrijs armatus vindicasti, & nouis adiutum præclusisti. Diuini cultus in illa Ecclesiâ minorem quàm sperabas, inuenisti splendorem, ob Sacerdotum, vel in numero, vel in censu penuriam: ei vtrique manu liberali succurristi. Ecclesiastica disciplina remissior aliquantò erat in Clero, atque laxior, eam tu quoque excitasti, & adstrinxisti corruptos deprauatosque populi mores offendisti: ijs euellendis & extirpandis, vt pro hac rerum scena poteras, diligentem operam dedisti

dedisti
Succes
piscop
etum
suâ d
ti Reip
paup
ipso
lum ill
Quid
um m
rum h
beant
Quan
public
cation
num p
prouo
tis sub
em pr
stri vi
si erra
seruan
opini
quo n
statis
sti, vll
occaf
tuo vo
mina
lapsu
aura in

dedisti; carebat illa Ecclesiâ Episcopo titulari; qui pro te & Successoribus tuis, vel absentibus, vel in alias res intentis Episcopalis Ordinis munia obiret, eum instituisti, & virum doctum ac prudentem ad hoc munus prouexisti. Vexabantur passuâ direptione insolentis militis Valachicis successibus inflati Reipub. istius, & Ecclesiæ bona, tu autem super egenos & pauperes Episcopatus tui subditos intelligens, tuaque post ipsorum indemnitatem commoda habens, effecisti, ne flagellum illud inundans cum alios alibi affligeret super eos veniret. Quid dicam de interiore tuâ in Deum pietate, virtute omnium maximè Principibus viris necessariâ, quâ quem in his rerum humanarum varijs & dubijs fluctibus, cursum tenere debeant, facile à supremo illo Governatore Deo obtinent. Quantas quamque crebras illius verè Episcopalis virtutis, cum publicè, tum priuatim, apud eos, qui te propius nōrunt significationes dedisti. Vt quod Sacrum Sacerdotalium precationum pensum nunquam sedens, neque ambulans, sed in genua prouolutus, cum summâ, ipsius in conspectu Diuinæ Maiestatis submissione, quotidie persolvebas. Quod nullum fere diem præterlabi tibi patiebaris, quin eo Diuinissimam pretij nostri victimam in expiationem tuorum, populi que tibi commissi erratorum immolares. Quid de Religionis Catholicæ conseruandæ & propagandæ, ardenti studio, nouarumque de ea opinionum perfectio odio? Fuit ne iam inde ab eo tempore, quo nuperas istas ex Orco emerfas pestes, à sanâ illibatæ vetustatis doctrina, diuino collustratus lumine internoscere potuisti, vlla vnquam non dicam necessitas, sed commoda saltem occasio tibi data, ad prodendos coelestes illos ignes in pectore tuo vehementer æstuant, quin eorum luculenta ederes specimina? Quib⁹ profectò imbecillioris & min⁹ consultæ ætatis tuæ lapsum, in quem te pestilens cæli illius, sub quo tunc degebas, aura impulerat, affatim eluisti, absterxisti, aboleuisti. Quid de
effusa

effusa in Sanctos, & æternâ apud Deum retributione dignos
vſus beneficentiâ: quam tanto studio ab oculis hominum ſub-
mouebas, vt quemadmodum noſter iubet Imperator, vix ſci-
ret ſiniſtra, quod largiebatur dextera. Taceo cætera tuæ par-
cens verecundiæ, tuorumque in libro vitæ conſcriptorum meri-
torum, mercedem intempeſtiuâ laude euacuare nolens. Sed
interruperat nonnihil cæptum, tuam boni & prædicabilis pa-
ſtoratus tui curſum, Reipub. cura. Dum enim ſic vt par eſt E-
piſcopum agis, & benè gnarus vitium eſſe in Epifcopo, ſi non
ſit quàm optimus, omnem adhibes diligentiam, vt tam ſancto
muneri & tibi ipſi in eo adminiſtrando ſatis facias, ecce tibi à
tota Repub. in Comitijſ Regni graue negotium deferretur, vt in
Moſcouiam vnâ cum Sereniſſimo Principe Vladislao cæteris-
que tibi adiunctis Collegis, contendas, pacem cum potenti illo
hoſte armis noſtris domito, honeſtiſſimis & optimis quo ad e-
ius fieri poſſet pactiõibus componas. Qua in re gerenda dici
vix poteſt, quantâ integritate & fide, ſolertiâ & indiſtriâ, for-
titudine & conſtantiâ aduigilaſti. Quàm fidus tùm Sereniſſi-
mo Principi in ſuggerendis maturis & opportuniſ conſilijs ad-
iutor fuiſti, quàm in tradueendâ illius voluntate, in ea quæ ex
ſua & Reipub. dignitate fore cenſebas felix, quàm communis
boni cupidus? quàm priuatim nihil ſpectans, quàm in præſen-
tiendis & anteuertendis hoſtilibus conſilijs, ac molitionibus
acer? quàm in tractandis, & eò quò res poſtularet ſectendis,
ferocibus militum animis dexter, quàm in perferendis multis
& varijs vitæ Caſtrënſis incommodis infractus? quàm in con-
temnendis pro ſalutē & dignitate publicâ, proprijs detrimen-
tis & periculis magnanimus. Denique in eo ſolùm tunc mi-
nus felix, quod tanto illo negotio ad optatum exitum, quem
iam propè vt fertur ſpectabat, haud peruecto, in Patriam tibi
properandum fuit. Nam cum illud toto conatu vnâ cum cæ-
teris Collegis agis, iamque ex illis fluctibus ſecundo curſu ad
portum

portu
na da
rump
ad af
vltim
aut D
mitia
cante
cum i
rum d
eo po
agis?
Galb
mem
ſet, &
tu cū
gube
admi
um b
Et cū
ſimul
tis Z
iudic
mori
cepta
Vnu
ad ea
tum
reliq
Reip
rum
tiſſim

portū appellere tibi videris, aliorū vela felici Fauonio plena dare opus habes. Rex enim te iustissimus meritorum tuorum ponderator, summo & planē diuinitus inspirato consilio ad amplum & illustre Pro Cancellarij munus suscipiendum ex vltimo illo Septemtrione euocat. Obsequeris igitur Regiæ aut Diuinæ potius, cuius illa interpretis fuit, voluntati. Ad Comitia Regni magnis itineribus accurris, Pro Cancellarius abdicante hunc Magistratum, Henrico Firleio Viro amplissimo, cum magno omnium bonorum applausu, nec impari summarum de te rerum spe & præfagitione renunciariis. Porro autem eo positus gradu, quem te virum præstas? quid cogitas? quid agis? quid eniteris? Equidem minime id tibi obtigit, quod Galbæ Imperatori, de quo acutus Augustæ historiæ Scriptor, memoriæ prodidit, maiorem priuato visum cum priuatus esset, & omnium consensu capacem imperij, nisi imperasset. At tu cum priuatus eras, maior priuato visus es, & ad Rempub. gubernandam admotus, ita binos, amplissimos Magistratus administrasti, vt etiam si eos non administrasses, tamen omnium bonorum iudicio, eorum administratione dignus fuisses. Et cum vnum pro eius & tuâ dignitate administrares, alterius simul ac eo vnâ cum vitâ pro Patriâ fortiter profusa Stanislaus Zofkieuius ingentis animi Vir decessit, ^{maximè} capax es iudicatus. Enimuerò, in magnorum illorum functione, memori semper animo tenebas duo optima diuini Platonis præcepta, quibus eos, qui Reipub. præfuturi sunt præclare monet. Vnum, vt vtilitatem Ciuium sic tueantur, vt quidquid agunt, ad eam referant, obliti commodorum suorum: Alterum, vt totum corpus Reipub. curent, ne dum partem aliquam tuerentur, reliquas deferant. Vt enim tutela, inquit ille, sic procuratio Reipub. ad vtilitatem eorum, qui commissi sunt, non ad eorum, quibus commissa gerenda est. His tu salubribus sapientissimi Viri monitis obsecutus, rem perniciosissimam Reipub.

seditionem Ciuium atque discordiam, quæ ex eorum, quibus Reipub. custodia incumbit, maiore ad suam, quam communem rem attentione, atque ex inæquali erga populum ac Principem studio, oriri solet, velis remisque velut in nauigando aduersam procellam declinabas. Quid? in sententiâ de Reipub. dicendâ, quanta tibi erat sine acerbitate libertas, sine furo prudentia, sine fastu grauitas, sine nimio proprii sensus amore constantia, sine metu inuidiæ fortitudo, sine summo rigore æquitas, sine priuatorum commodorum præposterò aspectu, salutis publicæ caritas. Lætatur Rempub. hanc, non ita pridem à grauissimo supremi exitii periculo, quod ipsi à feruissimò Turcarum Tyranno, totum virium suarum robur, contraxam commouente, iam iam imminebat, liberatam esse, & sic liberatam, vt tantus ille hostis accisis potentiæ suæ neruis, à finibus Reipub. huius, quam superbâ iam spe deuorauerat, re infecta coactus sit retrocedere. At hoc tuo salutari consilio, dulcis hæc Patria inter primos acceptum refert. Nec id diffiteri potest res suas multò felicius in illa pugna successuras fuisse, si tibi bene suadenti, aliquantò maturius obtemperatū fuisset. Benè habes quòd decedentis ex illâ acie militis nostri, sub obtentu insoluti stipendij, in perniciē Reipub. coorta conspiratio, adulescere non est permissa: quin etiam in ipsis, vt sic dicam, incunabulis oppressa & extincta. At cui ignotum est, cuius id potissimum vigilantia, atque studio perfectum sit? Cæterum de flagranti zelo tuo in tuendis & asserendis iuribus ac immunitatibus personarum, locorum, rerum deniq; omnium Ecclesiasticarum, non est quod plura iam dicam. Non enim in Cancellariatu primùm sanctus ille, & Deo benè placitus affectus exarsit & apparuit. At aliquantò antea in iudicijs Regalibus conceptus, nutritus est: in Synodicis deliberationibus, in Regni Tribunalibus, in publicis omnium ordinum conuentibus, auctus & corroboratus, in eo ad extremum quem

tenes

tenes dignitatis gradu, magis quàm dici potest, adoleuit & maturuit. Quànti enim animi, quàmque ad iura, & res Ecclesiæ propugnandas accensi argumentum illud erat? quòd cum in augusto Regis & Senatus confessu, causa quædam Ecclesiæ tuæ indiligenter & minùs rectè à Patrono suo defenderetur, tu ipse Senatorio tuo loco surgens, Patrocinium eius suscepisti, sicq; cum admiratione omnium egisti, vt tandem bona illa causa triumpharet. Iam verò cum iudicijs Regijs præfideres, quàm vehementer & arctè iustitiæ, & honestati adhærescebas? quàm te bonis amabilem, improbis formidabilem, vtrisq; admirabilem præbebas? Nihil enim loci in illo sanctissimo Tribunali cupiditati, nihil formidini, nihil gratiæ, nihil odio dabas. Sed illæsus ac purus à quatuor illis perniciosissimis fanis & recti iudicij pestibus, ipsam puram ac meram veritatem, atque iustitiam intuebaris, toroq; impetu consecrabaris. Neq; verò in iuris & æqui disquisitione, ex alienis totus pendebas opinionibus, aut aliorum consilijs auferēbaris, verum causarum omnium ipse accuratus disceptator & arbiter eras, ipse pro tuâ eximiâ sapientiâ, tuoque acri & perspicaci iudicio, ius suum cuiq; tribuebas. Quid quòd causas omnes ac lites, in illo Regio subsellio, à multo tempore pendentes, ac in eis plerasq; adeò intricatas, atque perplexas, vt ob summam earum expediendarum difficultatem, diu iniudicatæ relictæ fuerint, in ipso statim^P Cancellariatus tui exordio, pari prudentiâ ac æquitate sopiisti? Iam quia in illâ Reipub. speculâ, custodem te, conseruatoremque Patriarum legum, positum esse memineras, ad te id quoq; inprimis spectare putabas, omni vt opere prouideres, ne quid quisquam te conuiuente, aut inscio contra ius & fas quouis quæsito colore, apud Principem obtineret. Quamobrem ipse per te Priuilegia, & quæcunq; alia Principis rescripta diligenter recognoscebas, omniaque ad normam iuris & iustitiæ exigebas, sic quantum in te erat cauens,

ne quid ab hac optima amissi dissidens in illis obreperet. Pro-
ditum est litterarum monumentis de Pio V. Pont: Max: nihil
ab eo precibus contendere oportuisse, quod preces apud eum,
neque ad iusta impetranda necessariae essent, neque ad iniusta
extorquenda efficaces, idem profecto de te merito dici potu-
it. Ac si quidam ex veteribus Romanis, felix eo nomine ha-
bitus est, quod nemo ab illo rem ullam improbam petere aude-
ret, quid de te sentire dicereque par est? quem omnes, qui
quidpiam petituri erant, in quo vel minima iniquitatis, aut
turpitudinis umbra appareret, tanquam fatalem desideriorum
suorum scopulum refugiebant. Neque tamen leniores illas
virtutes, quibus suauissimè vita humana conditur, quæq; ra-
ro nexu cum seuerioribus actionibus copulantur, affabilita-
tem, facilitatem, comitatem, quoties earum usus accidebat,
accidebat autem ferè semper, quisquam in te desiderare potu-
it. Tametsi enim ingenium graue ac serium, à naturà adeptus
es, minimè tamen sic acerbum & inamenum, quin te quicquid
malus animus obmurmuret, omnium hominum Summorum,
mediorum, infimorum, quibus cum aliquid, siue publicis, siue
priatis in rebus agebas, ingenijs ac moribus aptè congruen-
terque, quantum status tui ratio permittebat, quantumque
in tantà illà te circumstante negotiorum turbâ poteras, accō-
modares. Nam vt vnus omnibus semper ad gustum esses, id
verò optandum tibi magis erat, quàm expectandum: quod ne-
dum tibi, sed & nemini vnquam, quàmlibet in pertractandâ
Repub. felicissimo vsu venisse, omnis memoriæ exempla te-
stantur. Quod si primos animi motus feruidiores interdum,
quàm purgato tranquillatoque ab eis animo velles, prætulisse
cuiquam visus es, is id corporis tui temperationi, non prauæ
assuetudini tribuere debet. Etenim subitos illos animi pertur-
bati æstus, & dum feruerent, rationis imperio temperabas, &
postquam deferbuissent, eadem in consilium aduocata, rigidus

in te

in te
Mag
hil fo
men
imm
velu
quæ
grad
dege
care
ris;
quin
min
cerb
rati
vreb
perf
tissi
dissi
An
in p
qua
fci f
hon
min
qui
qui
per
rò c
Luc
fcer

in te ipsum censor damnabas. Cum illa videlicet optima vitæ
Magistrâ, identidem tibi inculcaret, nihil esse laudabilius, ni-
hil forti & magnanimo Viro dignius, placabilitate atque cle-
mentiâ, nihil turpius, nihil à magno & excelso animo alienius,
immoderatâ ira, eam etsi vtiliter à naturâ hominibus data sit,
veluti cos quædam virtutis, tamen cum mediocritatem illam,
quæ est inter minimum & nimium, prætergressa, mentem de
gradu deiecit, in vile nimis vitium breui amentię simillimum
degenerare. Porro vt omni animi perturbatione omninò va-
cares, ac licet homo natus sis, humanum nihil vnquam patere-
ris, id profectò, vt supra hominem est, ita nullo modo à te re-
quiri debuit. Quàm enim difficile est, Deus bone, homini ho-
minem extirpare! quantæ molis, nullâ vnquam re, quàmlibet a-
cerba & inuisa commoueri? De abstinentia autem ac mode-
ratione tuâ, quâ in parandis fluxis ac caducis fortunæ rebus
vtēbare, deque fidelitate & prudentiâ quâ in eisdem benè &
personâ tuâ dignè vtendis disponendisque pollebas, quid po-
tissimum commemorem? Certè id penitus pectori tuo inse-
disse videbatur, quod vetus habet prouerbiū, à Seuerō &
Antonino Augustis vsurpatum: *ὅτι καὶ ὁ θεὸς παύσει ἐν*

αὐτοῦ πένθος

Nosti quid dicam. Nec id tibi euēnit, quod
in præruptis & in accessis montium iugis extantibus ficubus,
quarum fructu non homines, sed corui tantum & cornices pa-
sci solent. Haudquaquàm pulcherrimam illam virtutem quâ
homines, ad Deum proximè accedunt, quæ non modò ho-
minum, verum & belluarum teterrimarum amōres, & obse-
quia mirificè conciliantur, tam effusè & immoderatè colebas,
quin pro tuâ prudentiâ prospiceres, ne liberalitas liberalitate
periret, seraque eam sequeretur in fundo parsimonia. An ve-
rò cum tam præclarè Cancellarium Regni ageres, Ecclesiæ tuæ
Luceoriensis obliuio tibi subreperat, & aliæ ex alijs succre-
scentes Reipub. curæ incuriosum te Pastoralis officij reddide-

ἐπέ-

C 3

rant?

rant? Minimè omnium. cùm enim id tibi minùs liceret, vt ipse per te continenter in custodiâ gregis tui excubares, probos & industrios adiutores adhibebas, quorum gnauâ fidâq; operâ, sub graui Episcopali onere alleuareris. Attamen quia probè nôras, nihil adeò Christi ouibus ad spiritalem earum sanguinam prodesse, ac proprij Pastoris oculum, nihiloque magis agrum Dominicum fecundari, quàm crebris proprij agricolæ vestigijs, quotiescunq; tibi à grauib; Reipub. negotijs aliquid excepti ac subseciui dabatur temporis, toto eo præsentem te gregi tuo dabas, omnesq; tùm Pastoricij muneris functiones, ipse per te obibas, tantâ alacritate atque lubentiâ, vt pro Christi gloriâ, & animarum, eius sanguine redemptarum salute, exantlatis laboribus, non fatigari & frangi, sed refici ac recreari videreris. Atque cum non ita pridem ad Ecclesiam illam veniens, extremum ei vale diceres, incredibile dictum est, quantum tunc in omnium bonorum pectoribus desiderium tui excitasti? cuius satis clarum & amplum testimonium dederunt, quando te ex Episcopatu illo decedentem, lachrymis gemitibusq; suis sunt profecuti. Talem te ac tantum, Antistitem tam probè integrèque hætenus Pontificio ac Senatorio munere perfunctum, cùm hodie primum ad Ecclesiæ istius clauum federe cernimus, nisi eam quæ in animis nostris exundat, ac omni ex parte foras erumpere conatur, lætitiâ, omnibus quibus possumus indicijs proderemus, aut duri nimium, ac terribis, aut quod longè deterrimum est, tanti in te nobis delati Diuini muneris videri possemus ingrati. Sed absit vt tantam ornatissimo Ordini nostro maculam adspergi, & inherere patiamur. Agnoscimus, agnoscimus meritò & libenter, singularem Seruatoris nostri Dei, erga hanc Diocèsim beneuolentiam, agnoscimus Sanctissimæ suæ Genitricis Dominae & Patronæ nostræ, eximiam de eâ curam, quòd tu potissimum tali tempore super hanc Domini familiam, fidelis & prudens

dens
retr
Pont
eun
sticu
re, el
orna
amu
fider
fia iu
rabi
tend
sunt
Eccle
tus.
ptin
scen
etia
min
fabu
mun
mo,
men
dice
die
pio
tuæ
ego
fero
mn
qua
tibi

dens ^{ad} Oeconomus ac minister sis constitutus. Enimvero ex
retroactis rebus tuis facile conijcimus, sic te tunc Illustrum
Pontificalem thronum occupaturum, ut omnes omnium, qui
eum ante te infederunt, optimorum & laudatissimorum Anti-
stitem laudes vel exuperes, vel exæques. Contendes adnité-
re, elaborabis, ut quæ singula optimo Præsule digna decora &
ornamenta, in singulis illis admiramur, ea in te vno conspici-
amus vniuersa, sicque lenius in posterum feramus ingens de-
siderium magnorum illorum nominum, quorum in hac Eccle-
sia iugem cum benedictione memoriam nulla vnquam oblite-
rabit vetustas. Insuper in hoc omnes industriæ tuæ nervos in-
tendes, ut te ipso melior & maior quotidie fias, ea quæ retrò
sunt oblitus, ad ea verò quæ ante te posita, pro Dei gloriâ, pro
Ecclesiæ & Reipub. dignitate, gerenda tibi restât, totus inten-
tus. Solebant olim comædiarum Actores, in extremo actu o-
ptimos sese præstare, sic tu in hac propè postremâ vitæ tuæ
scenâ, non solum recto, quod hætenus fecisti, stabis talo, sed
etiâ hoc ages, ut plausum, & nunquam intermorituram no-
minis gloriâ, ob benè abs te peractam rerum humanarum
fabulam consequaris. Atque id, quod nos de te nobis omina-
mur, Ecclesia hæc Sponsa tua, diuinitus tibi data, si in hoc pri-
mo, quo te excipit complexu, viuâ voce loqui posset, vehé-
menter etiâ atque etiâ abs te peteret. Sic enim illam tibi
dicentem audiremus. Ego te Andrea Præsul Illustrissime ho-
die in Sponsum, Patronum, Pastorem ac Patrem meum acci-
pio, ego me, omniaque mea, in tuam potestatem trado, ego
tuæ fidei, iura, libertatesque meas, bona & fortunas cōmitto;
ego tibi fasces amplissimæ huius Diocesis læta ac lubens de-
fero, ego in tuum gremium non solum hos quos vides Alu-
mnos meos charissimos, verumetiâ tot animarum miriadas,
quæ toto meo amplexu contineo, depono, tua sum diuinitus
tibi adiuncta, tua esse deinceps, dum id Superis placitum erit,
volo.

volo. A te vicissim id vnicè pro iure coniunctionis nostræ,
quam hodie, vtinam feliciter, inimus, oro & postulo, vt me tan-
quàm rem tuæ tutelæ commissam, de cuius procuratione co-
ram tremendo æterni iudicis Tribunali, rationem es redditu-
rus, tractes, tuearis, conserues. Agedam igitur, attolle ani-
mum, & ad ea quæ te digna sunt aggredienda, ac perficienda,
Diuinæ opis spe fretus manum admoue. Qualem me accipias
vide, qualem tenere velis cogita, qualem relinquere, prouide.
Collata sum in sinum tuum à Rege meo, à Pontifice Summo,
à Deo Opt: Max: sed nempè in sinum vt sustenter & fouear.
O te verè magnum, vereque beatum Antistitem, si in hoc emi-
nenti fastigio, non magnus magis, quàm bonus audire deside-
rabis, & duas res disiunctissimas, potentiam cum modestiâ mi-
scebis, quoque plus propter auctoritatem potes, eò minùs,
quantùm possis, propter benignitatem ostendes, si quod con-
fido Summi Dei gloriâ, Catholicæ Religionis incremento, Di-
uini cultus splendore, Cleri & populi mei disciplinâ iursum,
immuniatum, ac rerum mearum omnium integritate, & quod
caput est animarum tuæ fidei creditarum lucro, nihil prius &
antiquius habebis, si in earum, quas dixi, rerum curâ ac pro-
uisione, nullis laboribus; nullis sumptibus parces, nec solum
substantiam hanc huius seculi, sed etiam vitam ipsam atq; ani-
mam, si id vsus postulauerit, ipsis posteriorem duces. Æquum
enim est, vt nihil meâ causâ detractes, cui secundum Deum
omnia debebis. Cæterum quæ ab alijs tuæ potestati obnoxijis
exiges, ea ipse in te inprimis ostendes, exasperat quippe ani-
mos imperata correctio, blandissimè iaberur exemplo. Et vt
herbæ quædam ad solis motum vertuntur, sic homines in ve-
stros Summatum mores inprimis oculos flectunt, & exempla
sibi inde suis moribus sumunt. Ac multò facilius est, quod
Rex ille ait, errare naturam, quàm dissimilem sui Princeps pos-
sit Rempub. formare. Denique perturpe est, non inueniri in
capite

capite, quod desideretur in membris. Porro autem lenitate potius atque clementia, quam asperitate & rigore, facile ac suaviter pleraque perficies. Infirma enim officij vincula sunt terror & pœna, longeque valentior ad iubendum & patrandum quicquid velis, amor. Quippe generosus hominis animus naturam contumax est, & in contrarium atque arduum nitens, duciturque facilius quam trahitur: ac ut bene nati equi melius facili freno reguntur, ita clementiam, voluntaria innocentia impetu suo sequitur. Quare perpulchrum tibi duces multarum rerum veniam dare, nullius petere, prudentique moderatione, quæ corrupta & vitiosa deprehendes, sanabis potius mollioribus fomentis, quam recides, & pleraque dissimulans, nec in omnia anxie inquirens, magis eliges videri inuenisse bonos, quam fecisse. Turpis enim illa, & eo quem tenes loco indigna vox: Oderint dum metuant. At hæc pulcherrima quam tu factis quotidie promes. Ne metuant dum diligant. Non enim est profecto maiestas timeri, sed immanitas. Nec minus indecora sunt Principi multa supplicia, quam medico multa funera. Atque etiam nescio, quo obnitendi vitio videmus easæpius committi, quæ sæpius vetantur & plectuntur: ac ut arbores quædam recisæ pullulant, ita nimia & assidua regiminis seueritas, vitiorum numerum auget tollendo, Nimiā consultò dixi & assiduam, temperatum enim & opportunum disciplinæ acrioris rigorem, peruiacaci malitiæ aut sanandæ, aut ne reliquo corpori noceat, refecandæ utiliter adhiberi, certum est. Vnde exemplo, mitis & humilis corde Domini, qui zelo gloriæ paternæ inflammatus, templi sui violatores, facto ex funiculis quasi flagello castigauit, non omittes interdum cum id usus poposcerit, uti contra peccantes pio rigore & zelo misericorditer sæuiente, & ad instar Euangelici Samaritani vino oleum affundens, dura animarum vulnera curabis, promesque è sacro pectoris tui penetrali, velut ex arcâ tabernaculi, non

solūm manna dulcedinis, sed etiam virgam districtiōnis. Ha-
bes, atque vtiā non haberes, in hoc ouili tot morbosas &
pestilentes oues, aut potius sub vellere ouillo tot astutas vul-
peculas, speciem quidem pietatis habentes, virtutem autem
eius abnegantes, quæ instar Samsonicarum capitibus inter se
diuise caudis colligatæ, vineam Domini Sabbaoth diuersis do-
lis demoliuntur. Habes eheu tot inexplēbiles lupos pecori-
nā pelle contactos, qui alimenta ministrorum Christi per sum-
mum nefas deuorant, idque pro ludo & ioco habent, si cum
grauī ipsorum iniuriā, de rebus Deo dicatis, de Christi patri-
monio, de pretijs peccatorum saginentur. Habes rabidos ca-
nes, non insidias luporum ab ouili arcentes, sed in proprios
Pastores, pro dolor, crudeliter & impiè insilientes. His te
virum ostendes; zelo Dei plenum, perfectō aduersus eius oso-
res odio flagrantem, ac cum Regio vate super eos tabescen-
tem. Dominus tecum, Vir fortissime, viriliter age, & confort-
tetur cor tuum, qui tibi super humeros grādem imposuit sar-
cinam, ipse te forti brachio sub eā leuābit, & ubi necesse erit,
ad adiuuandum te, festinabit. Castra metabitur Angelus eius
in gyro tuo, qui te scuto inuictæ protectionis circumdabit, vi-
res aduersariorum franget; consilia dissipabit, dabit faciem
tuam valentiorē faciebus eorum, & frontem tuam duriorē
frontibus eorum, facietque te in ciuitatem munitam, & in co-
lumnā ferream, & in murum æreum, genti peccatrici, popu-
lo graui iniquitate, semini nequam, filijs sceleratis, quos inter,
nisi Dominus exercituum reliquisset semen pauculorum, sibi
charorum, quasi Sodoma fuisset, & quasi Gomorrha si-
miles essemus. Sed iam ne plura addam, iusti doloris magni-
tudo vocem mihi intercludit, lingua hæret, animus obstupe-
scit. A te Præsul Illustrissime omne meum expecto solatium,
tu me afflictā eriges, tu lachrymas meas absterges, tu luctum
meum in gaudium commutabis, tu mihi post tenebras lucem,
post tem-

14
post tempestates malaciam adduces, tu me post tot iactationes
in securo portu collocabis, deniq; tecum, vt vno dicam verbo,
omnia mihi venient bona. Finem dicendi facio, si modò id v-
num à te, quod orandum restat, exorauero. Quid autem? vt
hanc tibi circumfusam Sacerdotum genere, & virtute nobili-
um cateruam, hanc potissimam familiæ meæ portionem, hunc
lectissimum Sacraei Ordinis florem, hunc Senatuum tuum, hos
Pastoralis tuæ curæ adiutores & coöperarios, hæc membra tua
tibi tanquam capiti coniuncta & vnita, hæc dulcia pignora
mea, eo quo par est loco, semper habeas. Propensa ipsorum in
te studia non despicias, sed magis quotidie promerere, fida
& recta consilia, minimè propterea, quia es supra iussa asper-
nere, sed cum magna negotia magnis adiutoribus egere scias,
libenter admittas & sequare. Nam vt illud in sublimi dignita-
te pulcherrimum est non cogi, ita hoc miserrimum non sua-
deri. Et licet tua vnus mens tantæ ac maioris etiam molis ca-
pax sit, ipseq; tibi abunde sufficiat consulere, quod in rem sit,
tamen vt vulgò dicitur, plures oculi plus vident. Denique sic
eos humanitate officijs, beneuolentia, tibi adstringes liberali-
tate, beneficentiâ, amore deuincies, vt te veluti beneficum &
salutare Sydus publico bono exortum certatim suspiciant, in-
ter amorem metumque medijs & alternis iudicijs ambigentes,
Prælatum appellent an Patrem. Neque permittes quæ tua est
animi altitudo, tuum cum eis Sacrosanctæ necessitudinis vin-
culum, vllis delatorum & adulatorum per ipsorum incommo-
dum, gratiam tuam captantium, sermunculis dirimi & dissol-
ui, sed huic hominum generi improbissimo, ac infra ipsos eti-
am inferos, si id fieri posset, amandando, sacras tuas aures
prorsus claudes & obstrues. Sic eos omnes ad quoslibet tuos
nutus morigeros, obediensque habebis, sic eis tui summè
obseruandi atque colendi dulcem quandam necessitatem im-
pones, sic denique omnia tibi ex animi tui sententiâ perpe-
tuo flu-

tuò fluent. His æquis Sponsæ tuæ precibus, in hoc primo tuo cum eâ congressu, meritò & libenter vt opinamur annues, & nos eiusdem Almæ Matris Filios, qui in suum obsequium vitam omnem deuouimus, ac pleriq; eam penè iam in ipso consumpsimus, paternâ semper charitate complectêris, talemq; te nobis præstare studebis Antistitem, qualem si eo quo sumus loco esses, tibi optares. Quò fiet vt nostrâ erga te incolumem obseruantia magis magisq; quotidie inter nos certemus, sublatum ex oculis, quod vt serum sit maximè cupimus, inuidi quæramus.

D I X I.



BIBLIOTHECA
VNIV. IAGELL.
CRACOVIENSIS

Errata sic corrige.

In A. 2. b. u. 17. interpone, estimandis ante aquitas. in A. 3. a. u. 30. interpone, sic, ante te. in B. 2. b. u. 7. lege omnis. in B. 3. a. u. 9. lege Regina-
lis ibid. u. 11. pralustisti. in B. 3. b. u. 13. lege eo. in B. 4. a. u. 17. interpone
in ante ambulans ibid. u. 18. interpone tui ante ipsius. in B. 4. b. u. 30. lege
perfecto. in C. 1. a. u. 23. interpone munerum ante functione. in C. 1. 6. u. 20.
lege habet. ibid. u. 25. lege iuribus, ibid. u. 30. interpone & ante nutritus.
in C. 2. a. u. 24. lege Procancellariatus. in C. 2. b. u. 15. interpone iure an-
te potuit. in C. 3. b. u. 14. lege. videreris. in C. 4. a. u. 2. lege hunc ibid. u.
31. lege continentur. in D. 1. b. u. 17. interpone hanc ante grandem. in D.
2. a. u. 12. lege iura. in a 2 b v 6 lege paradum in a 2 b
v 20 lege agit in a 4 a v 10 lege quin in b 4 b v 7
lege tam in c 3 b v 9 lege subseam in c 4 a v 1 lege
in a 4 b v 20 lege de rector

6
v 7
egg

